

## 細漢我上愛去的所在

細漢我上愛去的所在，就是庄跤阿公阿媽的厝；佇遐（hia），空氣好，風微微仔吹--來，路邊青翠的草仔，不時咧對我搵（tìm）頭，樹葉仔親像海面的水湧，輕輕仔搖過來閣搖過去，燒烙（lō）的日頭光，照（tshiō）佇我的身軀，彼種感覺，實在真爽快。

經過無佹久的時間，阿爸的車，就駛到阿公的厝--矣，小弟仔、小妹仔隨走--出來，歡迎阮一家伙仔，閣佢阮同齊佇大埕走來走去，你掠我，我嘛掠你，耍（sng）kah真歡喜，大人坐做夥咧泡茶、開講、看報紙...，阿母佢阿母佇灶跤咧攢（tshuân）中晝頓；耍忝（thiám）--矣，嘛枵（iau）--矣，這時陣，阿母來叫阮食飯；才一喙niâ....，哇！足khiū、足芳--的，庄跤的米，實在真好食，連水果嘛誠甜--呢！

食飯飽，阮佇房間耍牌仔，逐（tāk）个攏是高手，一个比一个較厲害，耍kah真刺激，啥人嘛毋認輸；有時陣，阮嘛耍棋子（jí），喝（huah）聲一陣閣一陣實在真鬧熱。

欲暗仔，阮去大埕騎鐵馬，踢跤球，閣去溪邊欣賞日頭欲落山的光景，滿天的紅霞（hê），講有佹嬌就有佹嬌（suí）！

庄跤的暗時，閣較無全款，田蛤仔「嚶！嚶！嚶！」的歌聲佢杜蚓仔「tsut！tsut！」的叫聲，親像挨弦仔低音的演奏，實在真好聽，予阮聽kah沓沓仔（tāuh-x~）睏--去。

阿公、阿媽的厝佇庄跤，是我上愛去的所在，逐擺放假，我所想--的，就是趕緊喊（hiàm）阿爸佢阿母，tshuā阮去阿公阿媽的厝，上好閣tuà--幾工矣，按呢，我就心滿意足--矣。（約450字）（編號：37 東興國小 莊雅媚）